

**3-1.**

Na osnovu člana 13. stav (2) alineja 18. Zakona o principima lokalne samouprave u Federaciji Bosne i Hercegovine („Službene novine FBiH“, broj 49/06 i 51/09), člana 63 stav (3) Zakona o zdravstvenoj zaštiti FBiH („Službene novine FBiH“, broj 46/10 i 75/13), člana 21. i 22. Uredbe sa zakonskom snagom o ustanovama („Službeni list RBiH“ broj 6/92, 8/93 i 13/94) i člana 21. tačka 20. i 26. Statuta Grada Gradačac („Službeni glasnik Grada Gradačac“, broj 10/22), na prijedlog Gradonačelnika Grada Gradačac, Gradsko vijeće Grada Gradačac na 10. redovnoj sjednici održanoj dana 30.10.2025. godine, razmatrajući Odluku o davanju saglasnosti na Odluku o usvajanju Izmjena Statuta Javne zdravstvene ustanove Centar za fizikalnu medicinu, rehabilitaciju i banjisko liječenje „Ilidža“ Gradačac, donosi

**ZAKLJUČAK****I**

Gradsko vijeće Grada Gradačac usvaja zaključak kojim zadužuje nadležnu Gradsku službu da u saradnji sa Javnom zdravstvenom ustanovom Centar za fizikalnu medicinu, rehabilitaciju i banjisko liječenje “Ilidža” Gradačac pripremi prečišćeni tekst Statuta Javne zdravstvene ustanove Centar za fizikalnu medicinu, rehabilitaciju i banjisko liječenje “Ilidža” Gradačac.

**II**

Ova Zaključak stupa na snagu danom objavljivanja u „Službenom glasniku Grada Gradačac“.

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD GRADAČAC  
- Gradsko vijeće -**

**Broj: 01-04-443-1/25  
Datum: 30.10.2025.god.  
G r a d a č a c**

**PREDSJEDAVAJUĆI  
GRADSKOG VIJEĆA  
Nedžad Šević, s.r.**

**4.**

Na osnovu člana 14. stav (4) Zakona o eksproprijaciji („Službene novine FBiH“, broj 70/07, 36/10, 25/12, 8/15 i 34/16) i člana 21. stav (1) tačka 26. Statuta Grada Gradačac („Službeni glasnik Grada Gradačac“, broj 10/22 ), na prijedlog Gradonačelnika Grada Gradačac, Gradsko vijeće Grada Gradačac, na 10. redovnoj sjednici održanoj dana 30.10.2025. godine, razmatrajući Odluku o dopuni odluke o utvrđivanju javnog interesa za rekonstrukciju, rehabilitaciju i sanaciju regionalne ceste R 460 „Vučkovci-Hrgovi Donji“, broj: 01-04-317/25 od 17.07.2025. god. („Službeni glasnik Grada Gradačac“, broj 8/25), donosi

**O D L U K U****o dopuni**

**Odluke o utvrđivanju javnog interesa  
za rekonstrukciju, rehabilitaciju i sanaciju  
regionalne ceste R 460 „Vučkovci- Hrgovi  
Donji“, broj: 01-04-317/25 od 17.07.2025.  
god. („Službeni glasnik Grada Gradačac“,  
broj 8/25)**

**Član 1.**

Ovom odlukom dopunjava se Odluka o utvrđivanju javnog interesa za rekonstrukciju, rehabilitaciju i sanaciju regionalne ceste R 460 „Vučkovci- Hrgovi Donji“, broj: 01-04-317/25 od 17.07.2025. godine, objavljena u Službenom glasniku Grada Gradačac“, broj 8/25, na način da se tabelarnom prikazu nekretnina nakon rednog broja 7. dodaju i sljedeće nekretnine:

<i>Rd. br.</i>	<i>Broj parcele</i>	<i>Katastarska općina</i>	<i>Površina parcele koja se ekspropriše</i>	<i>Katastarski posjednici</i>	<i>Zemljišnoknjižni vlasnici</i>
8.	610	Hrgovi Donji	4,20 m <sup>2</sup>	Katana (Husein) Elvisa	Katana (Husein) Elvisa
9.	611	Hrgovi Donji	1,64 m <sup>2</sup>	Taletović (Ibrahim) Benjamin	Taletović (Ibrahim) Benjamin
10.	1781	Vučkovci	8,61 m <sup>2</sup>	Českinović (Alaga) Adem	Českinović (Alaga) Adem
11.	1782	Vučkovci	0,84 m <sup>2</sup>	Katana (Husein) Elvisa Šahdanović (Husein) Melisa Turbić r. Osmić (Emin) Mejruša Turbić-Avdić (Husein) Mediha	Turbić (Husein) Elvisa Turbić (Husein) Melisa Turbić (Emin) Mejruša Turbić (Husein) Mediha
12.	3270	Vučkovci	1,33 m <sup>2</sup>	Avdaković r. Turbić (Muharem) Bahrija Kriste r. Turbić (Muharem) Faketa	Avdaković r. Turbić (Muharem) Bahrija Kriste r. Turbić (Muharem) Faketa
13.	1780	Vučkovci	11,73 m <sup>2</sup>	Jusufović (Ekrem) Hariz	Jusufović (Ekrem) Hariz
14.	3298/1	Vučkovci	5,20 m <sup>2</sup>	Delibašić (Osman) Muhamed Hrštić r. Delibašić (Osman) Safeta	Delibašić (Osman) Muhamed Hrštić r. Delibašić (Osman) Safeta
15.	1783	Vučkovci	13,15 m <sup>2</sup>	Hukić r. Hrštić (Husnija) Šefika	Hukić r. Hrštić (Husnija) Šefika

### Član 2.

Ostale odredbe Odluke o utvrđivanju javnog interesa za rekonstrukciju, rehabilitaciju i sanaciju regionalne ceste R 460 „Vučkovci- Hrgovi Donji“ , broj: 01-04-317/25 od 17.07.2025. godine, objavljene u Službenom glasniku Grada Gradačac“, broj 8/25, ostaju nepromijenjene.

### Član 3.

Protiv ove Odluke se može pokrenuti upravni spor podnošenjem tužbe kod Kantonalnog suda u Tuzli, u roku od 30 dana od dana dostavljanja odluke. Tužba se podnosi neposredno sudu.

### Član 4.

Ova odluka će se objaviti u Službenom glasniku Grada Gradačac.

### Obrazloženje

Gradskoj službi za imovinsko-pravne i geodetske poslove Grada Gradačac obratila se JU Direkcija regionalnih cesta TK, prijedlogom za utvrđivanje javnog interesa za rekonstrukciju, rehabilitaciju i sanaciju regionalne ceste R 460 „Vučkovci - Hrgovi Donji“ od raskrsnice sa magistralnom cestom M 1.9.“Ormanica – Gradačac-Slatina“ u Vučkovcima od st.km. 0+000 prema

Hrgovima Donjim do st.km.1+000 u dužini 1000 m, navodeći da je za realizaciju projekta potrebno proširiti dionicu ceste na zemljištu naznačenom u tački 1. ove odluke.

U zahtjevu se dalje navodi da je postojeća saobraćajnica promjenjive širine kolovozne konstrukcije koja ne dozvoljava uslove za kategoriju regionalne ceste. Od raskrsnice od stacionaže km. 0+000 do stacionaže km 0+200 postoji asfaltni kolovoz (samo BNS sloj debljine 700 cm i širine 5,00 m kao i bankine širine 0,50 m u dužini cca L=200,00 m. Postojeći asfaltni kolovoz je rađen prije 25-30 godina i stanje istog je na kraju eksploatacionog vijeka što uzrokuje pojavu denivelacija i pukotina, dok je u nastavku trasa širine cca 3-4 m sa makadamskim kolovozom. Predmetna trasa u pogledu zaštite od atmosferskih voda je ugrožena iz razloga nepostojanja kanala ili su većim dijelom zatrpani. Na većem dijelu trase ne postoje propusti koji bi odvodili atmosferske vode u recipijent. Na makadamskom dijelu dionice, odnosno na stacionaži km.0+600, evidentirano je klizište.

Uz zahtjev je priložen geodetski elaborat eksproprijacije, posjedovni listovi, kopije katastarskih planova, kao i zemljišnoknjižni izvadci nekretnina koje će biti obuhvaćene projektom.

Odlukom Gradskog vijeća Gradačac, broj: 01-04-317/25 od 17.07.2025. godine („Službeni glasnik Grada Gradačac“, broj 8/25) utvrđen je javni interes za rekonstrukciju, rehabilitaciju i sanaciju regionalne ceste R 460 „Vučkovci-Hrgovi Donji“ od raskrsnice sa magistralnim putem M-1.9 „Ormanica-

Gradačac-Slatina“ u Vučkovcima od st.km.0+000 prema Hrgovima Donjim do st.km.1+000 u dužini od cca L=1.000,00 m, na nekretninama k.č. broj 3301, k.č. broj 3290, k.č. broj 3289/2, k.č. broj 3298/3, k.č. broj 3272/4, k.č. broj 3269 i k.č. broj 1772 k.o. Vučkovci.

Navedenom odlukom je utvrđeno da je korisnik eksproprijacije JU Direkcija regionalnih cesta TK.

U svome aktu broj: 04-27-163-2/25 od 06.10.2025. godine JU Direkcija regionalnih cesta TK navodi da je dana, 13.08.2025. godine zaprimila navedenu Odluku Gradskog vijeća Gradačac, kao i da je u međuvremenu zaprimila Rješenje o urbanističkoj saglasnosti broj 06/2-19-1-1694/25 od 05.06.2025. godine kojom je obuhvaćeno više nekretnina na kojima je potrebno riješiti imovinsko-pravne odnose, a dana 15.09.2025. godine i Zaključak (o ispravci rješenja) broj 06/2-19-1-3857/25 od 10.09.2025. godine.

Detaljnim uvidom u Glavni projekat za rekonstrukciju, rehabilitaciju i sanaciju regionalne ceste R 460 „Vučkovci-Hrgovi Donji“ od raskrsnice sa magistralnim putem M-1.9 „Ormanica-Gradačac-Slatina“ u Vučkovcima od st.km.0+000 prema Hrgovima Donjim do st.km.1+000 u dužini od cca L=1.000,00 m, urađenom od strane AIK Inženjering d.o.o. Banovići, utvrđeno je da je potrebno linijom eksproprijacije obuhvatiti i parcele označene kao k.č. broj 610 i k.č. broj 611 k.o. Hrgovi Donji, te k.č. broj 1781, k.č. broj 1782, k.č. broj 3270, k.č. broj 1780, k.č. broj 3298/1 i k.č. broj 1783 k.o. Vučkovci. Iz navedenih razloga korisnik eksproprijacije traži dopunu odluke o utvrđenom javnom interesu na navedenim nekretninama.

Shodno odredbama Zakona o eksproprijaciji („Službene novine FBiH“, broj 70/07, 36/10, 25/12, 8/15 i 34/16) nekretnina se može eksproprijisati kada je to potrebno za izgradnju saobraćajne infrastrukture, poslovnih i industrijskih zona, privrednih, komunalnih, zdravstvenih, prosvjetnih i objekata kulture, objekata odbrane, uprave i drugih objekata od javnog interesa kada se ocijeni da će se korištenjem nekretnine za koju se namjerava predložiti eksproprijacija u novoj namjeni postići veća korist od one koja se postizala korištenjem te nekretnine na dosadašnji način.

Nekretnina se može eksproprijisati nakon što je, na način određen zakonom, utvrđen javni interes za izgradnju objekta, odnosno izvođenje dugih radova na toj nekretnini.

Eksproprijacija se može vršiti za potrebe Federacije BiH, kantona, grada, općine, javnih preduzeća, njihovih zavisnih društava u njihovom 100 % vlasništvu i javnih ustanova, ako zakonom nije drukčije određeno, čime isti dobijaju status korisnika eksproprijacije.

Eksproprijacijom nekretnine korisnik eksproprijacije stiče pravo da tu nekretninu koristi u

svrhu radi koje je eksproprijacija izvršena.

Za eksproprijisanu nekretninu vlasniku pripada naknada u drugoj nekretnini, a ako korisnik eksproprijacije ne može osigurati takvu nekretninu, naknada se određuje u novcu, u visini tržišne vrijednosti nekretnine koja se eksproprijše. Naknadu za eksproprijisanu nekretninu snosi korisnik eksproprijacije.

Članom 14. stav 4. Zakona o eksproprijaciji Federacije BiH („Službene novine FBiH“, broj 70/07, 36/10, 25/12, 8/15 i 34/16) propisano je: „Odluku o utvrđivanju javnog interesa za izgradnju objekta ili izvođenje radova na području općine donosi općinsko vijeće na čijem se području namjerava graditi objekat ili izvoditi radovi u skladu sa planskim dokumentima prostornog uređenja.“

Članom 16. stav 1. propisano je „Prijedlog za utvrđivanje javnog interesa za eksproprijaciju podnosi lice koje prema odredbama ovog Zakona može biti korisnik eksproprijacije.“

Članom 21. stav 1. tačka 26. Statuta Grada Gradačac („Službeni glasnik Grada Gradačac“, broj 10/22) određeno je da Gradsko vijeće u okviru svoje nadležnosti donosi pojedinačne i druge akte iz samoupravnog djelokruga u skladu sa zakonom i Statutom.

Uzimajući u obzir sve navedeno, predlaže se Gradskom vijeću Gradačac da predloženu odluku usvoji u prezentiranom tekstu.

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD GRADAČAC  
- Gradsko vijeće -**

**Broj: 01-04-444/25**

**Datum: 30.10.2025.god.**

**G r a d a č a c**

**PREDSJEDAVAJUĆI  
GRADSKOG VIJEĆA  
Nedžad Šečić, s.r.**